

عیونائے عنوائے

شعر
سیرِ حمقناری



بطاقة الكتاب

عيونك عنواني

سيد حفناوي

شعر

رقم الإيداع : ٥١٥٣ / ٢٠٢١

الترقيم الدولي

٩ - ٨٦٠١ - ٩٠ - ٩٧٧ - ٩٧٨

الطبعة الأولى

عدد الصفحات : ٩٦

تاريخ الإصدار : مارس ٢٠٢١

الإخراج الفني والمراجعة اللغوية

دار وادي عبقر للطباعة والنشر

رئيس مجلس الإدارة

جابر الزهيري

جميع حقوق الطبع والنشر

محفوظة للمؤلف، ولا يحق لأي دار

نشر طبع ونشر وتوزيع الكتاب إلا

بموافقة كتابية من الكاتب والناشر



دار وادي عبقر

للطباعة والنشر والتوزيع

بيت الإبداع .. وموطن العباقرة



wadiabkr.wixsite.com/wadiabkr



wadiabkar@gmail.com



www.facebook/ wadiabkar

Watch us on



www.youtube.com/ wadiabkr /



٠١٥٥٥٥١٧٤٢٦

ت : ٠١١٤١٧٢٨٦٢٥

ت : ٠١٢٢١٤٨١٨٥٦

ت : ٠٨٦٢١٦٤٤٢٨



إهداء

إلي كل من عشق الكلمة الهادفة

وكل قلب ينبض بالحب

إلى أرواح ما زالت تلهمني الحب

والعطاء والجمال

إليكم جميعا أهدي محبتي وأشعاري

سهر صفراوي



الخسيس

مع المصالح يتصالح

ويبوس رجلك

يفرش لك الأرض مودة

وف أي لحظة

يكون حولك

لو جيت في مرة



وتندھله

يقول نعم وتمام معاليك

بعد ما يقوى ويتعافى

يلف ضهره يعض ايديك

طب راحوا فين

عيشي وملحي

ولا الحاجات دي غريبة عليك

دايما بترجع لأصولك

والخسة دايما سابقه ايديك



مصر بلدي

لو سألوك عن مصر بلدي

قولهم: أبدأ منين؟

ربي في القرآن ذاكرها

كمان حارسها بألف عين

والنبي وصى بيها

فيها ناس



أقباط وزين

فيها أحمس

فيها مينا

شهم وحد القطرين

والتاريخ شاهد عليها

صامدة على مر السنين

فيها جبل الطور بسينا

سيدنا موسي وقف عليه

فيه إله الكون تكلم



وأنزل التوراة إليه

فيها نهر وفيها وادي

وابن مريم مر فيه

فيه قناة

حفروها بدري

يفتخر بيها كل مصري

فيها جيش صلب وجسور

والجنود زي النسور

فيها أسطول للبحور



جيش أصيل

وكمآن صبور

لو سافرت لمصر بلدي

أهل طيبة حنينين

العادات ويا الأصول

ع الكرم

متربيين

لو نزلت إسكندرية

أهلها جدعان وزين



ولا رocht لبور سعيد

دول بواسل طيبين

وابقى مر

على الصعيد

بشره سمره منورين

وابقى زور الأهرامات

وافخر بعد اما تكبر

إن زورت المصريين

معاندة

الدنيا ليه معانده معايا

ولا مرة تيجي على هوايا

أرواح بتعشق بعضيها

والدنيا دايمًا ظالماها

وعمري دايمًا بيعدي

وشوقي ليها ما بيهدي

وروحى ليها انا مشتاقه

ومهما عيوني ما تخبى

ومهما يحللوا في دمي

عشقك يجرى في عروقي

ودمع القلب متخفى

يا رب بيها تجمعي

وانسى آلامي وياها

دنيا

الموت بيحصل

في البشر

والظلم شاع فينا

وانتشر

وقلوب خلاص

بقيت حجر

والحر هيناسب الغجر

فمين الأصول

وفمين الأدب

دنيا ما فيها الا العجب

والكدب أصبح للركب

حتى الحديد

خلوه خشب

زمان وفيه كل البدع

والندل فيه عامل جدع

توب الحياء

فيه انقلع

وقلوب ما تعرف

غير طمع

واكلين حقوق كل البشر

تسمع كلام فيه العبر

دا الفيل ما يطلع

ع الشجر

ولا القراز يكسر حجر

أنا فيه في حبك يا

من غيرتك

أنا مبسوط

لو حد لمسني في مرة

ترقعي وبعلو الصوت

شايلاني

في نن عيونك

يا أميرة كل الكون

ولطيفك أنا مشتاق

وبعطرك أنا مجنون

بشم ريحة أنفاسك

ما عرفش طريقي منين

مش عاوزك تبعدني

لحظة

ما هو انتي النور للعين

ولغيرتي

ما عارف اخبي

من ميكاب حتى في خدك

من أكل بينزل فمك

لو بإيدي

أنا كنت احميكي

من ميه تلامس يدك

صباح الخير

صباح الخير على عيونك

يا نور بيشع

في وجودك

يا صوت كروان وبيغني

أفوق من سكري

علي صوتك

صباح الخير

على خدودك

يا فاكهة

نادرة في وجودك

شفايفك شط للؤلؤ

وانا الغواص في بحورك

سهام عينك

تخدرني

بتسري وتجري

في عروقي

سهام مطعومة حنية

تخلي جروحي منسية

وانام واصحي

على صوتك

يا مالية حياتي حنية

إياك تقول الآه

إياك تقول الآه

أو حتى تنطقها

خليك راجل جدع

واوعاك تخرجها

مكتوب عليك الألم

من بدرى يا مسكين

والراحة تبقى ألم

وهاتشكى بس لمين

ربك خالقنا في كبد

وذاكره في كتابه

وكل شيء انكتب

لازم تشوفه العين

ما عرفش ازاي

حبيت ما عرفش ازاي

وغرقت في بحر غرامك

ويا ريت

أنا بعرف اعم

أو حتى امسك مجدافك

من نظرة عينك ليا

حدفتني في شط غرامك

ولحضنك أنا مشتاق

أشرب من بحر حنانك

أنا مهما الدنيا تأخذني

أرجع وف قلبي هواكي

من غيرك

ما اعرف أعيش

أو اخرج حتى أنفاسي

في الحلم بتبقي معايا

مش عاوز حتى أفوق

ولا أصحى بقية أيامى

مش عاوز حاجة م الدنيا

غير كاس العشق معاكى

أشرب

مش عاوز افوق

وانسى أنا روحى وياكى

عيونك عنواني

بعيدة ولكن جوايا

وروحك دائما ويايا

ومهما الأيام تبعدنا

حبك ساكن في حشايا

نبرة صوتك بتغنى

ألحانها دائما عجباني

حروف اسمك ألحاني

ووجودك سر لإلهامي

ولا عمرى في يوم

راح انساكى

أنساكي ازاي وانتى أنفاسي

لو مرة أنا حتى

نسيت اسمى

عيونك سكني وعنواني

إوعاك

اوعاك تصاحب

خسيس

وتقول إنه يوافي

دي الخسة

ساكنة في دمه

وأصله ما يسوى

مداسه

لو صان ودك

في مرة

يرميك للضباع صاحي

وإن رد مرة الجميل

يطعنك

ويزيد نواحه

يا حافظ القرآن

يا حافظ القرآن

محفوظ من الرحمن

يوم القيامة تكون

في جنة الرضوان

دائما تكون محبوب

م الأهل والخلان

طول الحياة بتكون

ما تخافش

من أي جان

لو جيت

في أي مكان

تملاه عطور

وحنان

والمولى يرضى عليك

وتكون في أحلى جنان

تاخذ بايد والديك

لجنة العدنان

والكل يفخر بيك

يا نعمة م الرحمن

روحی

البنّت دي رّوحی

بیها حیاتی ابتدت

رجعت عمری الی راح

اللی کان منی اتسرق

قبل ما تدخل حیاتی

كنت میت من القلق

بعد ما قلبي عشقها

راح تكون هي السند

راح تكون قنديل حياتي

بيها هانشوف الفرح

نبني بيتنا من السعادة

وقلبي بيها ينشرح

ربي يجمع يوم ما بينا

واشفي قلبي

اللي انجرح

نفسی اکونہ

نفسی اکون انا جوا قلبک

نفسی أسکن

بین ضلوعک

والحیاء تبقی ما بینا

إنتی همس

وانا سکونک

نفسي اكون بسمة شفايفك

والا سهم

في نور عيونك

والا لولي بين شفايفك

يفرح الكون

من وجودك

نفسي اكون

نبضة في قلبك

ينطق اسمي بين ضلوعك

صاحبى القديم

كنت صاحبى اللي ساندني

لو وقعت في أي ضيق

كنت سندی

وكنت ضهرى

في أي شدة

تكون رفيق

كنت ستر لكل عيبي

كنت زي اخوى الشقيق

كنت ترفع من مقامي

لو وقعت في ناس

رفيق

كنت بتقوى قلوبنا

في الصعاب بنكون حديد

بس برضه كنت خاين

في الحروب كنت رفيق

بيك بيقوى

كل ظالم

بيك بيتهتكوا الحراير

واللي حر

يكون عبيد

كنت بتذل الفقير

طول حياته يكون أجير

لو في مرة

راح يقرب

ولا يتونس بودك

يسحبوه زي الحمير

كنت كل يوم

في حالة

والصمود كان استحالة

جردوك من الرجولة

حتى ما تسوى السيجارة

ألف سلام

وألف تحية

على الذي كان اسمه

الجنیه

اسمه حتى مالّهش قيمة

والدولار علمّ عليه

يا بحر

يا بحر قول للحبايب

على شوقنا ويا الحنين

لو كان علينا يا بحر

ما غيبنا غمضه عين

دا بعادنا عنهم يا بحر

مكتوب وربك معين

الفريضة

شبعنا يا رب غربة وذل

في أرض الخلاق

قادر يا رب تهون

ونرجع لحضن الشقايق

حمولنا زادت علينا

والهم فاض ع الزكايب



نتمسى بدموع عينا

ونصطح بشوق الحباب

والدنيا ضاحكة علينا

وهمانا بعودة اللي غايب

والغربة ما راضية تسيننا

زي العيار اللي صايب

ألف رحمة

ألف رحمة

وَألف نور

ع اللّٰي رحلوا عنا

بدري

خلو قلوبنا أرض بور

ربي يجعلهم في جنة

ويكافئهم بألف حور

واللي عايش لسه بينا

ندعى ليه عمره يطول

ألف سلام

وألف تحية

على علمنا الكلام

واللي علمنا الكتابة

والشهادة والاحترام

واللي زرع الحب فينا

واللي علمنا النظام

واللي علمنا الحساب

والصبر والالتزام

واللي حفظنا التاريخ

ليه تحية

و ١٠٠ سلام

واللي علمنا اللغات

ندعى ليه

حتى الممات

واللي علمنا العلوم

والتعامل كيف يكون

ربى يجعل قبره جنة

زي ما نور عقول

كل من علمني كلمة

انحنى ليه باحترام

وكلامي أقل واجب

لمعلمنا الهمام

أنا شاعر

أنا شاعر وإحساسي

سابق قلّمي وكراسي

وكل كلامي أنفاسي

ساعات الفرحة

بتسيطر

وباقِي العمر أنا بآسي

أثور واغضب

لكن جوايا

شيء أخضر

لا بذرة حقد

مزرعة

ولا وردي

في يوم يدبل

سنة من العمر

سنة من العمر وفاتت

وأحزانها كانت بالكوم

فارقونا فيها أحبة

وأغلب أيامها شوم

لا في يوم

شفنالك فرحة

غير كله صريخ

م البوم

والرحمة

الإخوة باعوها

وغرقنا ف بحر ديون

عاوزين سلفية

نسد

يا ف بحر ديونا نعوم

فارقينا وروحي لحالك

ما شبعنا حتى بنوم

ولا حتى في يوم

انسائي

وأعملك ١٠٠ ألبوم

إحنا صعايدة

إحنا صعايدة

ولينا أصول

لا في يوم نرضى الذل

لغيرنا

ونحمي عرضنا وين بيكون

حتى العيبة ما تطلع منا



أصل الحر عليه اللوم

حتي المرجلة

جوا عروقنا

وعقلنا يوزن أي أمور

واللي في يوم يتمسخر بينا

يبقي أيامه خلاص هاتفوت

إحنا صعايدة

وتاجنا العمة

واسمنا يرعب أي أسود

فارقنا

جاي تقول إن ابن عمك

جاي عاوزني

اشيل في همك

كنت في أيام زمان

لما كنت اتمنى قربك

جاي تقول

دم في عروقنا

هو کان زمان دا ميه؟

إنت كنت قاطع رحمننا

حتى ف أفراحك

حزانی

یلا روح عنا وفارقنا

ناس وناس

فيه ناس

عمرها غالي

وناس ما بتساويش

وناس تاكل زبالة

علشان تقدر تعيش

وناس تبيع حياتها

عشّان كبشة ملاطيش

وناس حياتها فوق

ودايسة علي الدروايش

وناس عايشه في قصور

وناس بيوتها هيش

وناس تلبس حرير

وناس كسوتها خيش

وناس عقولها صاحبة

وناس عقولها ريش

وناس تعلیمھا علیھا

واخلاقھا ما تساویش

أرزاق

ربك كاتبھا

ارضى بعدله

وعيش

إنّني أساس

قلبك طيب وحنون

واللي يفرط فيه

عقله ها يصيبه جنون

قلبك مليان

إحساس

أغلى حتى من الماس

وانا مهما الناس تبعدى

حبك على العين

والراس

من نظره عيني ليا

سكرتنى ولا احسن كاس

لو لحظة تبعدى عنى

بتغيب عنى الأنفاس

من غيرك ما اقدر اعيش

ما هو انتى لعيشتى أساس

فلسطين

يا شجر الزيتون يا مظل

على كل أرضي فلسطين

بلغهم منا السلامات

وأشواقنا ودموع العين

أرضك محظوظة

بمكانة

وحريمك دايمًا رجالة



وأحبارك دائما صوابه

بتصبيبي بدعوة مظالم

وشبابك دائما شجعان

شاربين الصبر مع الحرمان

ولا يوم نسيوكي

في دعاهم

أحلامهم تبقى

في أحلى سلام

استحالات یرحموك

بعد ما نخلص شقانا

نحمد المولى

في سماه

على رزق بين ايدينا

ونشكره ف كل صلاة

بعد ما نروح بيوتنا

ننسى أي هم فينا



أو تعب طایل ایدینا

نتانس ویا الحباب

اللی بینهم بقی راق

لما اشوفهم مبسوطین

یبقی قلبی من طایر

لما بص فی عین

ولادی بس برضه

بقی خایف

من مصیرهم

في الحياة

العلام خلاص باعوه

لما فتحوا قسم خاص

للي فاشل ف العلام

والي خانة الامتحان

بكره يبقي ترجمان

ولا دكتور للسنان

ولا تيتشر للعيال

بالفلوس



ما فيش محال

بكره كله يبغي تاجر

وأي طيب يبغي فاجر

والشهادة اللي واخدها

ع الرفوف يبغي شايلها

لأجل ما يعوض تمنها

من هموم التعبانيين

والضمير ياخذ أجازة

والحياة

يعيشها بلذّاة

بس حرّص

وابقي واعى

إن هاطولك الأفاعى

واللى هانوا ف يوم عليك

راح تكون تحت ايديهم

واستحالة يرحموك

شايلاڻي

شايلاڻي

جوا عيونڪ

في عيوني

ولا أجمل حور

والدنيا لو تبعدني

هارجع لو أعدي بحور



والقلب ينبض اسمك

في حياتي

انتى أجمل نور

واشم ريحة أنفاسك

لو بينا مليون صور

حبك يجري

في وجداني

بوجودك

أكون مسرور

لو مرة تبعدي عنى

بشبهه أنا أرض البور

بادعي المولى

يجمعنا

وحياتنا تشوف النور

الدنيا ضاقت عليا

الدنيا ضاقت عليا

وشبعت منها أسية

روحي

وسبيني في حالي

كل ميراثك أذية

وحداني فيكي



بآسي

والأهل كمان نسوني

لا لقمة

بتسد جوعي

ولا ميه

تمسح لي جوفي

لا دموع تفارق عيني

ولا ضحكة

راضية تجيني

ولا أيد تطبطب علي

والحزن دايم باليني

يا رب هون علي

وابعت ملاكك يجيني

انهي حياتي في دنيا

والجنة تبقي نصيبي

جميلة

يا جميلة ومسكرة

وسرك زائد فيكي

جمال الطباع فيكي

الحياء غالب فيكي

سهام العيون تسكرني

لو فايق اعيش حياتي

ف هنا والشعر لو شايب



رجالین

ست بتضرب ودع

تاكل عقول جاهلین

تلعب بعقل الجدع

وصبیه صابها العین

شاطرة في رص الكلام

حافظاه ودارساه زین



تلعب على الأوجاع

وتخدع المساكين

تقله وشوش ودع

ما يقولش

غير أمين

تغويه بفك العمل

وتقلبه ف قرشين

يرمي بياضه الجدع

ما أعرف عقولهم فين

تلعب بعقله الخدع

ينسى طريق منين

راحوا فين

شيوخ المسلمين

سبيينا ليه للدجالين

واكلين عقول بكلمتين

ربك لوحدہ

هو المعين

هتقولوا إيه لرب العباد

هتقولوا كنا مشغولين

فتش وشوف الحل

إنت في يوم القيامة

انت المدين

رباعيات

إياك تعاتب خسيس

وتزيد معاه في القول

ينسي معاك الود

وتشوفه زي الغول

ان كنت عايش في غربة

اختار صحابك زين

في ناس عديمة الأصل

عايشه وليها وشين

صاحب ولاد الاصول

لو غبت ما ينسوك

وان مال عليك الزمن

ما عمرهم يبيعوك



إياك تقول الآه

أو تشكي يوم جرحك

كل القلوب مجاريح

داريه في يوم فرحك

اشكيك لمين يا موت

يا مفرق الأحباب

لكن حقيقه الكون

والدنيا فيها أغراب



مكتوب أعيش وحداني

واكون في البلاد رحال

لاحد يمسح دمعتي

وهمومي تقل جبال

الغربة جمرة نار

تكوى قلوب ملايين

عايشين ومش شايفين

والدمع كاوي العين

الستر مش فلوس

ولا ناس عليها تدوس

الصحة أغلى نعمة

وعلى التراب نبوس

الفرح فين اختفى

والعين دموعها أنهار

ومهما طال الظلام

بكرا يجينا نهار



أسهر أناجي الليل

عن بعدى والأشواق

حتى دموع العين

تعتب على العشاق

الحب ليه بهدله

ظاهر بأنه الهنا

لو مره يوم صابنا

ما راح نلاقي الدوا



صون العيش ويا الملح

وإياك صاحبك تغدر بيه

أصل السيرة أطول م العمر

بكرة ابنك يتعاير بيه

بتوحشني

بتوحشني

ونفسي نكون من العشاق

وهاتمي واستتي

وروحى معاك

يا ريت الدنيا تسمعنى

أنا عاشق

وروحى فداك



وعمرى الباقي ملك ايدىك

ولا غالى بيغلى عليك

أنا بسهر واعاند الليل

واعد نجوم سما صافية

ومنتظرة زوال اليل

واشوف الفجر ف عيونك

وأكون الصبح

ملك ايدىك

الضحكة

الضحكة طالعة من قلبه

ولا حد يوم

عكّر دمه

براعته واضحة في عيونه

والدنيا بالصرمة ضاربها

أسراره

على طرف لسانه

محروس من العين

في النني

عائش حياته في بساطة

لا عاوز وظيفة

ولا ترقية

الفهرس

بطاقة الكتاب	٢
إهداء	٢
الخبس	٤
مصر بلدي	٦
معاندة	١١
دنفا	١٣
أنافه فف حبك لف	١٦
صباح الخفر	١٩
ففاك تقول الآه	٢٢
مافرفف ازاف	٢٤
ففونك عنوانف	٢٧
إوعاك	٢٩
فا حافظ القرآن	٣١
روفر	٣٤

- ٣٦ نفسي أكون
- ٣٨ صاحبي القديم
- ٤٣ يا بحر
- ٤٤ الغربية
- ٤٦ ألف رحمة
- ٥٠ أنا شاعر
- ٥٢ سنة من العمر
- ٥٥ إحنا صعايدة
- ٥٧ فارقنا
- ٥٩ ناس وناس
- ٦٢ إنتي أساس
- ٦٤ فلسطين
- ٦٦ استحالة يرحموك
- ٧١ شايلاني
- ٧٤ الدنيا ضاقت عليا
- ٧٧ جميلة

٧٨	دجالين
٨٢	رباعيات
٨٩	بتوحشني
٩١	الضحكة
٩٣	الفهرس